



Inatsisartuni ilaasortaq Aqqaluaq B. Egede, Inuit Ataqtigiit
/maani

**Nuummi inissaqartitsineq pillugu § 37 naapertorlugu apeqquteqaammut
2020-181-imut akissut**

13-11-2020
Suliaq nr.: 2020 - 22097
ID nr. 58604478

Asasara Aqqaluaq B. Egede

Inatsisartut suleriaasianni § 37 naapertorlugu, Nuummi inissaqartitsineq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matumap kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Aallaqqaasiullugu ilisimatitsissutigineqassaaq, 2020-mi ukioq aningaasanut inatsiseqarfik akissuteqarnermi aallaavigineqarmat.

Apeqqut 1: Kikkut tamarmik nalunnigilaat Nuummi inissiaqarneq qanoq ilungersunartigisoq Nuummi annertuumik inissaaleqisoqarmat. Kommunip innuttaasuminut inissaqartitsinissani sulissarineraa Naalakkersuisut uppersarsinnaavaat?

Akissut: Inissanik pisariaqartitsineq Nunatsinni nalinginnaasumik, pingaartumillu Nuummi annertummat ilumoorpoq.

Pisortat inissiaataannik attartortittakkanik, Namminersorlutik Oqartussat kommunillu innuttaasunut inissaqartitsipput. Pisussaaffiunngilaq, pisortanili oqartussaasut sulissamittut tigusaat.

Pisortat inissiaataannik attartortittakkamik innersuunneqarnissaq inatsisitigut piumasaqaataanngilaq, innuttaasullu amerlanersaat namminneq inissaqarniarneq isumagisarpaat.

Inuinnaat, pisortallu inissiaateqarput. Pisortat inissiaataannik attartortittakkanik Namminersorlutik Oqartussat kommunillu piginnittuupput. Namminersorlutik Oqartussat inissiat attartortittagaataat, kommuninut tunniunneqarnissaat massakkut sulissutigineqarpoq.

Inuinnaat illuutaat inissiaataallu, pisortat inissiaataannut tunngassuteqaanngillat. Ilaqutariinnut ataasiakkaanut illut kiisalu piginneqatigiilluni inissiat inunnit nammineq pigineqarput. Tamatuma saniatigut namminersortut inissialiortarput, namminersortut inissianik attartortitsisarnerinut tapertaallutik.

Apeqqut 1a: Taamaappat Naalakkersuisut ilisimatitsissutigisinnaavaat Aningaasanut Inatsit aqqutigalugu Kommuneqarfiup kivitseqataanissaanut qanoq annertutigisumik aningaasaliisoqarsimanersoq?

Akissut: 2020-mut Aningaasanut inatsimmi konto pingaarnermi 20.05.20 Kommuninut ataatsimoortumik tapiissutini takuneqarsinnaavoq, Kommuneqarfik Sermersooq 441 mio. koruuninik ataatsimoortumik tapiissutisisimasoq. Taakkunanga 14,5 mio. koruunit missaat namminersuutigalugu inissialiornernut tapiissutissatut, nunaqarfinnut isorliunerusunullu inissialiornissamut pilersaarummut 5,1 mio. koruunit, BSU-lu aqqutigalugu illuliat iluarsartuunneqarnissaannut 1,9 mio. koruunit missarluinnaanniittut 2020-mut immikkoortinneqarsimallutik. Kommuninut ataatsimoortumik tapiissutit aallaavittut siunertanut aalajangersimasunut atugassanngortinneqarneq ajorput. Kommunit missingersuutimikkut aningaasat namminneerlutik atugasannngortittarpaat.

Apeqqu 1b: Taamaangippat Naalackersuisut qinnuivigineqassapput kina suliaqartussatut piukkunnerpaanerlugu nalunaaruteqartussatut.

Akissut: Apeqqu 1-imut akissut takuuk.

Apeqqu 2: Naalackersuisut inissaaleqinerujussuarmut ikorfartuinissaminnut soorlu Nuummi Namminersorlutik Oqartussat inissiaataanut attartortakkanut allanut ineqarnermut akiliutaannit qaffasinnerunngitsumik Nuummi piginneqatigiilluni inissianik ineqarnermut akitsuutilinnik pilersitsinissamut pilersaaruteqarpap?

Akissut: Innuttaasut entreprenørilluunniit piginneqatigiilluni inissialiornissaminnut taarsigassarsitinneqarnissaminnik qinnuteqarnissaminnut periarfissaqareermata, Nuummi piginneqatigiilluni inissialiortitsinissaminnik Naalackersuisut pilersaaruteqanngillat. Periarfissaq taanna Nuummi atorluarneqareerpoq.

Piginneqatigiilluni inissiani ineqarnermut akitsuutip aalajangersarneqarnissaa eqqarsaatigalugu, piginneqatigiilluni inissiaatileqatigiiffiit pillugit inatsisip qaqugukkulluunniit atuuttup killiliussaata iluini, assignanillu piginneqatigiilluni inissiaatileqatigiiffinni ataasiakkaani malittarisassat naapertorlugit, matumani peqatigiiffiit ukiumoortumik ataatsimeersuarnerini ineqarnermut akitsuutissatut aalajangersarneqartoq ilanngullugu, aalajangersarneqartarput.

Apeqqu 2a. Taamaappat Naalackersuisut qinnuigineqarput aalajangersimasut qanimut pilersaaruteqarnersut ilisimatitseqqullugit.

Akissut: Apeqqu 2-mut akissut takuuk.

Apeqqu 2b. Taamaangippat Naalackersuisut qinnuigineqarput Nuummi inissianik attartugassanik nalinginnaasunik pilersitsinissamut pilersaaruteqarnersut ilisimatitseqqullugit.

Akissut: Aningaasaqarnikkut killiliussat ukiut tamaasa Inatsisartunit suliarineqartartut Naalackersuisut innersuussutigisinnaavaat. Nuna tamakkerlugu ineqarnikkut inissisimaneq Naalackersuisut isiginiarpaat, Aningaasanut Inatsillu tunuliaqutaralugu tulleriarisarlutik.

Neriuppunga apeqquateqaatitit qulaani allaqqasuni akineqartut.

Inussiarnersumik inuulluaqqusillunga


Karl Frederik Danielsen